



partii naleraq

UKA 2016/009-00

10-11-2016

Inatsisartut Ombudsmandiata 2015-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

(Inatsisinut ataatsimiititaliaq)

Inatsisartut Ombudsmandiata 2015-imut ukiumoortumik nalunaarutaata Partii Naleraq sinnerlugu imannak naatsumik oqaaseqarfigissuarput.

Partii Naleqqamiit assut pingaartipparput, innuttaasut pisortaniit eqqortumik sullinneqartarnissaat.

Taamaattumik inatsisartut Ombudsmandiata innuttaasunik sullissinera tamakkiisumik tapersorsorparput, kisianni ajoraluartumik tusarsaajuaannarpoq, unagoq pisortanut ikioqqulluni saaffiginnikkaluarami, ikiorneqarani siunnersorneqaraniluunniit aniinnartariaqarsimavoq.

Allaammi pisortanut saaffiginnissutit ilarpasui meeqqanut tunngasut, aalisarnermut tunngasut ineqarnermut tunngasut allallut akineqartarsimannigitsulluunniit isiginngitsuusaarneqarsinnaanngillat.

Saaffiginnittaraluarnerit taamaattut pingaartunmik kommunini inunnik isumaginninnermut tunngassuteqartunik ilalerujussuusut tusarsaajuarput, tamannalumi miserratigineqarsinnaanngilaq, tassa utoqqatsissutaasartut ilaattut oqaatigineqarajuttarmat, kommunini isumaginninnermut sullissisut suliassaqaangaramik, suliassanullu angummanniangaaramik, inuit ikioqqullutik saaffiginnittut ilaat annerusumik piffissaqarfigineqarneq ajortut.

Pissutsit taamaannerat akuersarneqarsinnaangilaq, taamaammat Inatsisartut Ombudsmandiata immaqa radio, tv-ilu atorlugit suliani pillugit innuttaasunut ammanerusumik paasisitsiniaasarnissaa pisariaqartoq oqaatigineqartariaqarpoq.

Qujanarpoq inatsisartut Ombudsmandiata suliani pillugit ukiut tamaasa nalunaarusiortarmat, kisianni pissusissamisuunnginnerluni, ilumut inuit pisortanut saaffiginnittaraluartut tamarmik naammaginnartumik eqqortumillu sullinneqartarnersut qulakkeerneqarsimanersoq ? Tassami ukiumut angalaneq ataaseq nunap immikkoortuanut ataatsimut naammannngilaq.

Taamatut naatsumik oqaaseqarluta inuit ikiorneqarnissaminnik maalaarutigisartagaasa ilamininngui eqqaasitsissutigalugit nalunaarusiaq tusaatissatut tiguarput.

Anthon Frederiksen